

欽定石渠寶笈三編

欽定石渠寶笈三編

延春閣藏 六

高宗純皇帝御筆

仿黃鼎歲朝圖

一軸
壬辰

題御園仿構獅子林前後八景並臨倪瓚圖

一卷
壬辰

生夏詩

一卷
壬辰

淳化軒記

一卷
壬辰

游戲黃庭

一卷
癸巳

臨董其昌畫跋癸巳一冊

臨淳化閣帖癸巳十冊

仿宋人小景癸巳一冊

臨唐文皇十一帖癸巳一冊

沙渚雙鴛圖癸巳一軸

入西苑門至素尚齋詩甲午一軸

臨蘭亭並米黻蘭亭詩甲午一冊

臨米芾三帖甲午一冊

臨王羲之十帖

甲午一冊

臨趙孟頫五帖

甲午一冊

臨孫虔禮書譜

乙未一冊

臨蘇軾詩帖

乙未一冊

仿趙孟頫書畫

乙未一冊

仿惲壽平四幀

丙申一冊

墨梅

丙申一冊

臨倪瓚畫譜

丙申一冊

畫歡喜園

一軸
戊戌

仿董其昌山水

一軸
戊戌

用蘇軾偃松圖筆法畫夷齊廟松

一卷
戊戌

臨王羲之三帖

一冊
戊戌

懷舊詩

四冊
己亥

四題西湖行宮八景

一卷
庚子

庚子冬至

南郊禮成迴鑾輦中得句

一軸

高宗純皇帝御筆仿黃鼎歲朝圖

一軸

本幅紙本縱二尺五寸橫一尺五寸五分

御筆水墨畫松竹梅並書壬辰新正六日詩

官家仍自說前家首祚承

歡莫此加階玉有真惟六葉蕊珠無樹不三花那嫌
繞

滕曾元關共喜延

齡歲月賒一刻千金真在是春宵寧為賞燈華
壬

辰新正六日。重華宮恭侍

聖母皇太后家宴。即事成什。並做黃鼎歲朝圖筆意。
書幀端以奉

慈怡御筆。鈐寶二。乾隆。

軸內分鈐

寶璽。天地一家春。擣藻為春。涉筆偶值幾間。

鑒藏寶璽寶笈三編。石渠寶笈所藏。

高宗純皇帝御筆題御園仿構獅子林前後八景並
臨倪瓚圖 一卷

本幅宣紙本縱八寸九分橫一丈二尺二寸
五分

御筆水墨畫並題行書

真蹟獅林弄石渠不能移置以成書因之數典吳
中彼再與傳神此日子五百年前溯清閼三千里
外憶姑胥雲煙過眼夫何繫所繫民情實懇如

壬午南巡再游獅子林。攜雲林卷以往。因仿其景題詩裝弄吳中。並書識倪卷。茲御園規構獅子林落成。復倣倪迂意成卷。並題一律。藏之清閨閣。展圖靜對。獅林景象宛然如觀。而吳民親愛之忱。尤恍遇心目間。余之繾情固在彼而不在此。獅子林八景并附錄後。獅子林之名賴倪迂圖卷以傳。此間竹石邱壑皆肖其景為之。冠以舊名。志數典也。最憶倪家獅子林。涉園黃氏幻為今。

因教規寫閭城趣。為便尋常御苑臨。不可移來惟
古樹。遙由飛去是遐心。峯姿池影都無二。呼出艱
逢懶瓚吟。虹橋跨水為小橋。垂虹宛在片雲帆。
影何必更羨吳江。駕溪宛若虹。其下可舟通。設
使幔亭張。吾當問順風。假山。獅林以石勝。相傳
為瓚自位置者。茲令吳下高手堆塑小景。曲折盡
肖。驛此展拓成林。奚啻武賁之於中郎。妙手吳
中堆塑能。絕勝道子寫嘉陵。一邱一壑都神肖。憶

我春巡展步曾

納景堂鏡水寫形遇以無心而

景自為納斯堂所得殆乎近之

花木四時趣風

雲朝暮情一堂無意納萬景自為呈色是空中色

聲皆靜裏聲。攬然聲色表五字亦因成清閑閑

臨曲池面假山景清境閑雲林小閣何不可作如

是觀武夷一曲中清閑小閣置近臨活水澄平

揖假山翠遐想創作圖自詡荆關意王蒙那夢見

因公宜寶弄豈期屬黃氏又復御園至今古實一

瞬蘇燕非二地。當年閭中人。未必首肯遂。藤架

紫藤引架垂陰。縵紫可十數武。於石橋宛轉尤宜。

石橋既曲折。藤架復遶迤。春時都作花。步障垂

茸。紫瑣月多風流。蘸波鮮塵。渾施松援。覺艱附木。

平可喜。載詠頌弁章。庶幾見君子。磴道循巖陟。

磴。詩人比之丹梯。此雖疊石而成。亦自覺風雲可

生足底。房山石似洞庭。刻峭一倒冷。嵒拾級試

登磴道。丹臺咫尺通靈。占峰亭。峰頂一笠清曠。

絕塵。元鎮畫往往如是。印證故在不即離間。雖
是假山亦有峯。嵒嵒礧礧轉饒趣。歷艱陟頂得稍
平。四柱小亭翼然據一步一奇極變幻。眼底神情
乃畢露。俗手石工那得窺粉本。倪迂精絕處。壬辰
暮春月下泔御筆。續題獅子林八景。倪瓚原卷
中自識。與趙善長商權作獅子林圖。且囑如海因
公宜寶弄云云。是則為圖本自倪。而疊石築室已
在疑似。何況歷歲四百餘年。室主不知凡幾。更而

今又屬黃氏矣。則茲之亭臺峰沼。但能同吳中之獅子林。而不能盡同迂翁之獅子林圖。固其宜也。雖然。予之詠高山而企慕蘭。實在倪而不在黃。言之不足。長言之。因復取其可詠者。凡八景。為續題云。清淑齋。就樹得佳陰。境原獅子林。假山亦碧。語曲徑致幽深。花色淑。非艷。溪聲清。以沈。如云。晤倪老。恐未契高襟。小香幢。一間樓湧小香幢。調御琉璃明慧缸。珍重迂翁嚼如海。由來者箇未全。

降。探真書屋雲廊拾級上。書屋號探真。詎在游
文苑。所希識道津。精研足繼歲。深造貴潛神。欲問
枕肱者。誰誠自得人。延景樓。詭石玲瓏棧徑通。
入來渾似萬山中。近峰遠渚攬次第。秋月春風觀
色空。拾級望遙目。容與焚檀習靜意。沖融雖然延
得江南景。罷露臺慙未昔同。畫舫有溪有岸有
舟呼。活景延緣面面殊。欲傲清河書畫舫。收來真
蹟是倪迂。雲林石室灑然石室額雲林。元鎮流

風若可尋。却與田盤開別面。古松都隱刺欽岑。
橫碧軒。文軒築溪上。溪水如帶橫。一條拖碧玉。朗
映心目清。有時漾輕漪。閃影翻檐楹。奚必藉鳶魚。
天然道趣呈。水門墻界林園水。作門泛舟雅似
武陵源。羸他祇有淵明記。不及迂翁畫卷存。壬辰
仲夏上澣。復成此八首。并書卷後。御筆。

接幅

御題行書

獅子林。獅林圖蹟。荆雲林。一卷精神直注今。却以

墨繩為肖築。宛如粉本。此重臨。煙容水態萬古調。

楚尾吳頭千里心。瞻就爾時民意切。不忘方寸託

清吟。虹橋跨水飲垂虹。浮空路可通。祇疑縹緲

處。吹斷慮罡風。假山白業當年叅所能。至今樹

若語。迦陵興來欲問倪高士。吐出幾多邱壑曾。

納景堂靜具動之理。動形靜者情。即如春孟際。已

蘊物華呈。盆裏梅英競。庭前松籟聲。問他涉園客。

可識本天成。清閼閣。吳工肖堆塑。燕匠營位置。
難移古樹古。頗似翠峯翠。發帑非累民。愛林因寓意。
高閣實已構。真國斯未弄。新正值幾暇。延攬偶
一至。春冰待融池。春氣早酥地。怡此清閼心。觀厥
發生遂。藤架卧波置。平橋折旋循。逶迤綴架藤。
尚枯。那擬步障紫。漫訾鮮麗色。却免惹纖滓。然看
寂寞中。已覺懷春喜。乍欲傲黃筌。而弗嫌倪子。
磴道突起。那論逕庭。羊腸盤上峯。豈惜畧勞步。

履端知大愜愜靈

占峯亭。平則為嶺側則峯。峯

亭實勝嶺亭。趣於平易工側艱工。例論詩文頗有
據。偶攀絕頂得笠履。便憶巡方斯冕露。欲言欲罷
而不能。是我結習未忘處。清淑齋前砌帶溪水
後檐屏石林。卻華意猶愜。既靜望偏深。春稚蕪茵
淺。風過竹籟沈。平心迎淑氣。觸目適清襟。小香
幢。石磴玲瓏倚翠幢。上為佛室朗蓮缸。偶然別學
倪家調。若論塵心實未降。探真書屋試問獅林。

境孰為幻孰真。涉園猶假借。寶笈實源津。志澹因
怡性。景清足謚神。畢然詩畫表。彷彿見其人。延
景樓。當石危梯訝不通。攀過奇境得壺中。似茲結
構安措想。宛彼樓軒若倚空。俯暢物華皆入望。春
和吾意與俱融。稿摹倪也還黃也。莫漫區區辨異
同。畫舫岸傍常待那須呼。歐米高情總不殊。何
必風帆誇直捷。煙溪幾曲耐縈迂。雲林石室石
作夏雲不作林。其中有室費幽尋。三間十笏惟容

膝。却稱開窗望遠岑。橫碧軒有橋如弓。彎有溪
若鏡橫。過橋坐敞軒。不期意與清。古帙亦陳几。春
鐙亦綴楹。但識冰即水。奚殊碧波呈。水門跨水
為墻下。置門此由溯。委山探源藝林夫。豈外道義
我亦因之成性存。再題獅子林十六景疊前韻。卷
尾尚有餘紙。仍依次書之。癸巳新正中。澣。印筆。
獅子林。上元前後有餘閒。況復園中咫尺間。未可
泛舟沿凍浦。已欣入畫對春山。盆梅幾朵吐芳意。

檐雀一聲叩靜關。雅是雲林習禪處。却予緘念在
民艱。虹橋飲虹跨兩岸。冰渚步堪通。因之生別
解。半實半猶空。假山吳中獅子林。結構云倪者。
即今肖御園。豈異粉本把。又思石渠藏。頗多斯翁
寫。展觀皆似真。何獨此云假。歷歷況可步。謂勝一
籌也。然而久暫間。其理悟者寡。納景堂一時偶
涉。惟偷暇七字成吟。又隔年似此。忽忙問景者。安
能高逸學迂仙。清閨閣畫屏圍石嶂。奩鏡俯冰

池。弗。詡。饒。佳。致。所。欣。契。靜。思。和。風。輕。幕。拂。旭。日。朗。
窗。移。清。閤。真。清。閤。春。光。未。治。時。藤。架。石。橋。上。置。
藤。蘿。架。不。必。施。松。引。蔓。通。謾。謂。忽。收。紫。步。障。幾。多。
花。意。在。其。中。磴。道。假。山。頗。致。崔。嵬。幾。梯。磴。道。盤。
迴。弗。勞。步。履。陟。頂。騁。懷。游。目。能。哉。占。峯。亭。峰。頂。
構。亭。號。占。峯。不。知。亭。亦。被。峰。占。譬。之。持。竿。以。釣。魚。
却。成。魚。釣。率。可。驗。貪。夫。徇。財。烈。士。徇。名。此。善。於。彼。
仍。屬。有。營。達。哉。東。坡。之。言。曰。未。能。學。不。死。且。自。學。

無生。清淑齋。齋不設窗牖。曠觀愜倚凭。齊檐疊
石。詭入座。俯冰澄。圖史自娛暇。松篁可作朋。略嫌
不稱者。應節綴華鐙。小香幢。芙蓉擎出小樓孤。
調御當中坐丈夫。供養香幢實餘事。若論佛法本
來無。探真書屋樓廊曼轉處。書屋得清幽。長物
心期屏。古香鼻觀謀。三餘信可樂。四庫近方搜。咨
爾窮經者。應於真際求。延景樓四時之景無盡。
延來及節為嘉。最喜韶年春孟。况對冰天月華梅。

香細細玉暈。柳色旋旋金加。何必蘇臺憶古。倪黃
本是一家。畫舫鑿沼。因之畫舫為却看無用繫
冰池。鎡基雖有待時要。孟氏深言率可思。雲林
石室。盤山精舍名。置此實相稱。刻削聲塵間。一線
通雲徑。幽室纔三楹。納景乃無罄。雖乏膚寸功。亦
有氣求應。設誠為甘霖。于耜恰春令。橫碧軒。水
碧冰亦碧。一例軒前橫。虛實象中孚。會理因循名。
水門。跨波門徑上騎牆。歷歷人行來往航。設使

桃源擬洞口。不教迷路誤漁郎。獅子林十六景。已
疊韻再題。今復另用韻。成此十六詠。并書卷末。乙
未新正中泮御筆。

後幅董誥書

御製再題獅子林十六詠

己亥

獅子林獅子林數典

自倪迂一再肖之景不殊。明歲金閨問真者。是同
是異。答能乎。虹橋卧波上者。形如半。印水觀來
體忽圓。名曰虹橋真副實。設看雨後影拖天。假

山。吳下假山曰倪砌。此間真石仿佛堆。假真真假
誠何定。炙轂笑他難辨哉。納景堂春風秋月應
依舊。白髮蒼顏略覺殊。似是虛堂有相謂。納來景
已兩年孤。清閼閣。何曾清閼收奇品。雅似江南
絕點埃。一石一松胥入畫。可知粉本所由來。藤
架石橋曲折俯。波明歲久藤枝佈。架盈已過花時
綠陰蔚。寧須重憶紫雲棚。磴道真石堆來做假
山。便看磴道聳其間。南華齊物論如讀。名實祇應

一例剛

占峯亭玉筍尖頭飄一笠。遂疑亭有占

峯形。應思展步尋佳處。原是高峰占此亭。清淑

齋小坡尋尺築三楹。扶架新松綠蔭成。鳥過能言

音尚淑。花常解舞態猶清。小香幢。一間小閣供

金仙。豎石為幢靜不妍。設以普賢功德論。箇中饒

是淨因緣。探真書屋底須虎帳設。舉比偶坐常

欣芸簡披。學者都知探真也。踐斯言却鮮逢之。

延景樓。紙窗繩榻小盤桓。彈指春秋三歲看。欲問

虛樓納景者。背人延得幾多般。畫舫出入常看
由水門。鳴榔軋軋浪花翻。漫稱濟勝如披畫。所喜
隨流可認源。雲林石室容容潤。欲逼嶙嶙粉本
倪家貌得真。可識雲林原未古。儼如石室接其人。
橫碧軒。一溪階下帶橫如。匪欲垂之碧有餘。今
日憑軒恰清暇。拈毫得句壁間書。水門跨波月
樣開。為門一棹因之與探源。指日山莊問津處。文
園重與細評論。款。臣畫誥奉

敕敬補書鈐印二臣誥

引首

御書藝循清閤

卷內分鈐

寶璽乾隆

二重乾隆宸翰二重得象外意

五福五代堂古稀天子寶八徵耄念之寶涉筆偶值
幾閒妙意寫清快清吟寄遐思含毫邈然摘藻為
春意在筆先

古希天子。落紙雲煙。愛竹學心虛。萬有同春性。根理窟資探源。入眼秋光盡是詩。中和叢雲。師子林雲林清閔。

太上皇帝之寶。學鏡千古。陶冶賴詩篇。茹古今洗盡塵氛。爽氣來。齊物日鑒在茲。見天心。深心託豪素。研露漱芳潤。長春園寶。師子林寶。抑齋鑒藏寶璽寶笈三編。石渠寶笈所藏。

高宗純皇帝御筆生夏詩一卷

本幅雲龍粉牋本。縱一尺一寸七分。橫三尺七寸六分。

御筆行書生夏二十首。仍用元微之生春詩韻。有序已

見續編

壬辰孟夏月中澣御筆。鈐寶二。乾隆

引首

御書。賡南依永。鈐寶一。乾隆御筆。

卷內分鈐

寶璽

五福五代堂古稀天子寶。八徵耄念之寶。
太上皇帝之寶。吟詠春風裏。朝日輝。

鑒藏寶璽寶笈三編。石渠寶笈所藏。

高宗純皇帝御筆淳化軒記一卷

本幅描金蠟牋本。縱一尺一寸一分。橫二尺二寸五分。

御筆行書淳化軒記

文見續編

壬辰清和下澣御筆。鈐寶二。乾隆宸翰。得象外意。

引首

御書集古循名。鈐寶一。乾隆御筆。

卷內分鈐

寶璽游六藝圖。淳化軒。乾隆宸翰。

信天主人。

五福五代堂古稀天子寶。八徵耄念之寶。

太上皇帝之寶。讀書依竹靜觀書為樂。長春園寶。淳
化軒寶。淳化軒圖書珍祕寶。萬有同春。煙雲無盡
藏。寓意于物。

鑒藏寶璽寶笈三編。石渠寶笈所藏。

高宗純皇帝御筆游戲黃庭一卷

本幅紙本。縱八寸七分。橫一尺九寸七分。

御筆設色畫。畫作經相一人坐榻上。左手執卷。右手握管欲書。二侍旁立。背負屏。屏上作小幅山水。並識。

癸巳新正月中澣。倣雲林法。鈐寶二。古香。太璞。幅末。

御題行書。

眉山健筆黃庭篇。龍眠寫像貌二僊。後來倪迂欲
繼前。據牀侍立兩妙妍。似效墨者說白堅。神傳三
鬣全其天。張羽題句言起緣。是卷粉本因厥然。蘇
李倪張意並傳。游戲偶示衣裳褻。求仙非慕滄海
淵。徐福一去那復還。不如飽食而晏眠。偶仿雲
林圖意。用東坡黃庭畫像贊韻題之。癸巳新正月
下澣御筆鈐寶二。典學勤政莊敬日強。

引首

御臨黃庭經

錢文不

乾隆癸巳新正上澣御筆臨於長

春書屋鈐寶二乾隆

卷內分鈐

寶璽

五福五代堂古稀天子寶八徵耄念之寶意在筆先
矯藻為春樂萬民之所樂桑麻藝植愛幽風

太上皇帝之寶樂意寓靜觀落紙雲煙靜中觀造化

惟精惟一乾隆宸翰

鑒藏寶璽寶笈三編石渠寶笈所藏

高宗純皇帝御臨董其昌畫跋 一冊

本幅金粟箋本。摺裝八幅。皆縱三寸六分。橫七寸一分。

御筆臨董其昌行書並識。

兩窗展古畫卷軸。精神相洽。拈筆倣之。成此十冊。孫過庭云。偶然欲書。謂之一合。畫道亦如是耳。畫家以古人為師。未是了手。當以天地為師。海外九州。皆是粉本。余此圖偶想。

及祝融峯下。抵輿捫葛時。便自一掃而就。

許中舍。余座師文懿公之孫。攜趙伯駒萬松金闕圖見示。有李將軍父子家風。非李唐劉松年輩所能夢見也。歎賞信宿。余以其意為此。余得大姚村圖。乃高尚書真蹟。煙雲澹蕩。格韻俱超。果非子久山樵所能夢見也。為此圖以倣之。夏山雨過。此圖成後。天地陡黯。雷聞雨暝。似畫欲飛去也。唐子畏詩。紅

樹秋山飛亂雲。此圖似之。然非學子畏意。欲
擬李唐畫也。連林人不覺。獨樹衆乃奇。偶
過眉公山莊。閒窗信筆。點綴秋意。密樹含
春雨。蒼山帶晚雲。幽人住深塢。城市一溪分。
此董北苑粉本。鄭元祐題詩也。宋人多為
雪景。元季四大家不甚為雪圖。今日偶倣之。
亦不得工。春水生時。舟行洞庭湖中。望長
雲瀾漫。絕似遠山千疊。此圖可稱楚山清曉。

庚午十月。丹陽城下畫舫書其昌。

癸巳仲春月。御臨鈐寶三。乾隆。深心託豪素。

冊內分鈐

寶璽

太上皇帝之寶。

五福五代堂古稀天子寶。

鑒藏寶璽寶笈三編。石渠寶笈所藏。

高宗純皇帝御臨淳化閣帖

十冊

本幅宣紙本。摺裝十冊。甲冊三十幅。乙冊二十九幅。丙冊三十四幅。丁冊三十二幅。戊冊三十二幅。己冊三十六幅。庚冊三十四幅。辛冊二十六幅。壬冊三十一幅。癸冊二十八幅。皆縱九寸一分。橫一尺六分。

御臨淳化閣帖全部。分卷序次。隸書標題。依欽定重刻淳化閣帖。旁注楷書釋文。癸冊末。

御識行書

淳化帖凡臨三次。初臨略似。再臨畧不似。三臨全不似。然余以全不似者為佳。蓋畧似者得其形。畧不似者去其形而得其情。全不似者脫其情而契其神。箇中甘苦。惟閱歷者知之。不足為外人道也。此十冊始於中秋後一日。熱河啟蹕。越九月四日出木蘭。臨竟較二次約省十日。而視初次省更倍之。且成於行圍後。武帳暇晷。計日益少。而計功益

速予亦不解其何以若是。或者如俗所云熟能生巧乎。標題用隸書。聊以別於前兩部。非好異也。癸巳秋九月上泚。阿穆呼朗圖行宮。御識。鈐寶二。乾隆。

冊內分鈐

寶璽鑑古。學古有獲。游六藝圃。用筆在心。得象外意。落紙雲煙。意在筆先。寓意于物。涵養用敬。觀書為樂。含英咀華。筆花春雨。學耕禮畊。茹古含今。書史。

研求遵古訓。執兩用中。有典有則。天地為師。深心
託豪素。德惟一。研露即事。多所欣。含味經籍。垂露
會心不遠。

太上皇帝之寶。

九重

五福五代堂古稀天子寶。

九重

八徵耄念之寶。

九重

淳化

軒寶。

九重

鑒藏寶璽寶笈三編。石渠寶笈所藏。

高宗純皇帝御筆仿宋人小景 一冊

本幅宣紙本。摺裝四幅。皆縱四寸。橫八寸。

御筆水墨畫。樸宋人法。分題行書。

斜陽鴉陣。故與寒原疎柳相宜。幅一春江水暖鴨先

知。此寓其意。幅二水宿鳥相呼。少陵佳句也。茲乃得

其彷彿。幅三魚鳥親人。會心處。正不在遠。癸巳孟冬

下。幹樸宋人法。御筆。幅四

冊內分鈐

寶璽比德朗潤得象外意

古希天子

三

養性殿寶

四

中心止水靜寓意于物掬

水月在手忘機心字曠得佳趣用筆在心

五福五代堂古稀天子寶八徵耄念之寶

太上皇帝之寶

鑒藏寶璽寶笈三編石渠寶笈所藏

高宗純皇帝御臨唐文皇十一帖

一冊

本幅灑金蠟牋本推蓬裝六幅皆縱五寸三分橫四寸九分

御筆行書臨唐太宗兩度懷讓使至所請比者昨日

三五雅州道宗所疾北邊十一帖

帖文並識不錄

癸巳長至月臨唐文皇帖御筆鈐寶二乾隆

鑒藏寶璽寶笈三編石渠寶笈所藏

高宗純皇帝御筆沙渚雙鴛圖 一軸

本幅紙本縱一尺九寸五分橫一尺一寸五分

御筆水墨畫並識

趙松雪有沙渚雙鴛小景曾入名畫薈珍冊題弄
畫禪室中倣為此幀鷗波三昧不知有合否也癸
巳冬御筆鈐寶二乾隆

玉池

御書寫妙鈴寶一

太上皇帝之寶

軸內分鈴

寶璽

五福五代堂古稀天子寶。涉筆偶值幾間。八徵耄念之寶。游六藝圃。花香水態堪娛。

鑒藏寶璽寶笈三編。石渠寶笈所藏。

高宗純皇帝御筆入西苑門至素尚齋詩一軸

本幅宣紙本縱四尺五寸。橫一尺九寸。

御筆行書

歲禮西華路可循。入門松石鬱天真。於斯祭服易
常服。不覺孟春忽仲春。暫解山龍有餘敬。便拈筆
硯可相親。舉頭素尚顏楣額。藻句翻嫌此勒頻。
入西苑門至齋中因題句。甲午仲春月上泮。御筆。
鈐寶二。所寶惟賢。乾隆御筆。

鑒藏寶璽寶笈三編石渠寶笈所藏。

高宗純皇帝御臨蘭亭並米黻蘭亭詩 一冊

本幅梅花玉版牋本摺裝十二幅皆縱七寸
六分橫八寸一分

御筆行書臨蘭亭詩叙叙不錄米黻蘭亭詩並識

永和九年暮春月內史山陰幽興發羣賢吟
詠無足稱叙引抽毫縱奇札愛之重寫終不
如神助留為萬世法廿八行三百字之字最
多無一似昭陵竟發不知歸模寫典刑猶可

秘彥遠記模不記褚要錄班班紀名氏後生
有得苦求奇尋購褚模驚一世寄言好事但
賞佳俗說紛紛那有是元祐戊辰二月獲于
才翁之子洎字及之米黻記

乾隆甲午仲春月中澣御臨鈐寶三所寶惟賢乾
隆御筆涉筆偶值幾聞

冊內分鈐

五福五代堂古稀天子寶。八徵耄念之寶。
太上皇帝之寶。

鑒藏寶璽寶笈三編。石渠寶笈所藏。

高宗純皇帝御臨米芾三帖

一冊

本幅灑金牋本。摺裝八幅。皆縱五寸五分。橫一尺一寸。

御筆行書並識

明道觀壁記。大中祥符既降。天子本尊祖之義。範金為容。奉于玉清。髹木之式。安于明道。背負乾岡。面奠大邱。坤震兩山。左盤右紆。濁迅清演。二流前媚。起坎朝巽。美哉吉土。後八

十三年。觀宇驤徒弗虔。吏弗視。壬申八月。倂
圖以請。明年九月。始得錢卅萬。乃完。元祐甲
戌正月五日。令臣希謹記。章聖天臨殿記。
章聖天臨殿者。真宗膺符稽古成功。讓德文
明。武定。章聖元孝皇帝之御坐也。煒哉。建隆
根滋。雍熙幹挺。祥符之後。蔚然垂蔭。太平休
氣。被于無垠。天子於是講漢唐之彌文。紹帝
皇之絕業。升岱報天。臨汾禮地。問道太清。旋

軫興王。肆覲省方。六飛還都。句陳絡蹕。建杓
弭車。重瞳天臨。繡黼下照。慶賜是邑。此其所
也。已而雲氣常繞。神靈密衛。天扈有響。皇威
凜然。及臣之至者。八十三年矣。方今加惠萬
靈。蕃字育養。以增方來之隆。而欲追已覩之
盛。臣芾於是丹堊其上。冀修封之後。有是舉
也。謹刻石以俟。令臣芾謹記。章聖天臨殿
銘。五偽既掃。真符錫寶。晏晏太平。物茂人好。

告岱垂統。省方于宗。天步所及。澤浹植動。我
先大夫。頒慶觀醑。平箱載酒。號太平車。帝功
不宰。衍衍于予。年流恩任。臣職司護。不掃不
污。下有帝武。宗岳極坤。穹碑觸雲。祖烈耀煇。
留俟後昆。陛下承業。萬國一攝。德廣翕協。采
文可法。頌碑瑑牒。臣筆日涉。

米芾帖三種。甲午初夏月。御臨。鈐寶三。乾隆。沙筆
偶值幾間。

冊內分鈐

寶璽

五福五代堂古稀天子寶。八徵耄念之寶。寧壽宮寶。
太上皇帝之寶。

鑒藏寶璽寶笈三編石渠寶笈所藏。

高宗純皇帝御臨王羲之十帖 一冊

本幅高麗箋本。摺裝六幅。皆縱三寸二分。橫六寸三分。

御筆草書臨王羲之省飛白。丹楊太常得萬書。擇藥。

知遠。荀侯。小園。龍保清晏十帖。

帖文不錄

並識。

甲午小春御臨王羲之帖。鈐寶三。乾隆樂壽堂。

冊內分鈐

寶璽

太上皇帝之寶。五福五代堂寶。八徵耄念之寶。

鑒藏寶璽寶笈三編。石渠寶笈所藏。

高宗純皇帝御臨趙孟頫五帖

一冊

本幅灑金箋本。推蓬裝八幅。皆縱四寸二分。橫五寸三分。

御筆行書並識

孟頫頫首德俊茂才友愛足下。昨便中承惠書。兼寄碼碯界尺。并紙卷。欲書金丹四百字。當時寫畢。附便寄還矣。今茲便中得書。乃云未至。殊以為駭。但失記何人寄去。昏忘憶不

得殊以慚愧。若旦夕思想得是何人。當報去。
追取或記憶不起。當別寫一卷奉納。也不肖。
不幸書頗好。凡寄書與人。多是為寄書者所。
匿。甚苦甚苦。梭笠之惠。極紉厚意。感激無喻。
因吳宣使便。專此奉答。時中善保。不具。孟。
頴頓首。子陽總管相公仁弟足下。孟頴歸來。
家事擾擾。未能奉狀。善甫來得書。知雅候安。
勝為慰。承索惡書。一一附善甫送上。殊不能。

佳也。椒糖之惠。領次感激。草草具答。時中惟
自愛。不宣。孟頫聞履候之詳。深以慰喜。甚
欲一往拜謁。而動身極難。事與願違。惟有翹
企而已。松雪齋墨二笏。楊日新筆廿枝。聊侑
空書。不直一笑。未承教問。惟冀厚自愛。不宣。
孟頫頓首再拜。近發田數止。發得一半去。
今再發一半去。冀目至金鰲山。柴望發在園
中。將近到彼。要燒改蕩者。望自區處。園中花

籬早脩為佳。馬無恙。不必慮。略此奉答。不具。
孟頫啓事。孟頫自頃奉狀後。甚欲一到海上。拜謁一番。良以人事擾擾。未可動身。唯有
瞻企人至。承惠書。審茂迎陽。剛體候清勝。以
慰下情。且蒙眷記。荐有香布之惠。如數祇領。
深佩厚意。感激感激。人還。草草具復。未有一
物可以寓誠。臨紙不勝皇恐。正寒。唯善護興
息。不宣。十二月朔日。孟頫頓首再拜。

趙孟頫五帖。甲午仲冬御臨。鈐寶三。乾隆妙意寫
清快

冊內分鈐

寶璽

五福五代堂古稀天子寶。八徵耄念之寶。
鑒藏寶璽寶笈三編。石渠寶笈所藏。

高宗純皇帝御臨孫虔禮書譜 一冊

本幅金粟牋本。摺裝四幅。皆縱四寸三分。橫

八寸六分。

御筆草書節臨書譜

起書之為妙。近取諸身。並識
訖。隨珠和璧。異質同妍。

節孫過庭書譜敘。乙未新正上澣。御臨。鈐寶三。乾

隆。觀書為樂。

鑒藏寶璽寶笈三編。石渠寶笈所藏。

高宗純皇帝御臨蘇軾詩帖 一冊

本幅蠟箋本。摺裝四幅。皆縱五寸六分。橫一尺三寸六分。

御筆行書臨蘇軾書王定國所藏王晉卿畫煙江疊

嶂圖一首。詩見續編並識。

乙未清和下澣。臨蘇軾詩帖。御筆鈐寶三。得象外意。乾隆宸翰。落紙雲煙。

鑒藏寶璽寶笈三編。石渠寶笈所藏。

高宗純皇帝御筆仿趙孟頫書畫

一冊

本幅金粟箋本。摺裝八幅。皆縱五寸四分。橫五寸二分。前七幅。右方。

御筆仿趙孟頫水墨畫。一蘭。二古木。三竹。四菊。五蘭。六竹。七古木。左方。

御筆仿趙孟頫行書。

綠葉映朝旭。俗塵無地來。子昂。一幅屈曲自成態。豈同桃李顏。子昂。二幅佇看春痕透。疎枝聚。

翠雲子昂幅三白雲在空山絕勝行雨忙子昂

幅四風月四時足可人相對閒子昂幅五帶雨翠

欲滴數竿唯此枝子昂幅六春風明宿雨楊柳

漸成金子昂幅七末幅

御識

石渠舊藏趙松雪書畫合璧冊愛其寫生卉樹常
倣為之茲并其字幅摹成一冊幾餘遣暇聊復爾
爾非欲於鷗波競勝神似與否所不計也乙未清

和御識

前副葉

御書趣合吳興

冊內分鈐

寶璽寫心。研露愛竹學心虛。落花滿地皆文章。寫生
秀色入窗虛。筆端造化得象外意。用筆在心妙意
寫清快。叢雲筆花春雨。几席有餘香。萬有同春。乾
隆。乾隆宸翰。

鑒藏寶璽寶笈三編石渠寶笈所藏

高宗純皇帝御筆仿惲壽平四幀 一冊

本幅宣紙本。摺裝四幅。皆縱四寸七分。橫一尺二寸四分。

御筆水墨畫蘆溪雨岫巖瀑江帆四景分題行書

水鄉清遠之致。畫意彷彿之。幅一遠山過雨。雲氣模

糊。香光洞庭舟次。所謂墨瀋淋漓者。較此何如。幅二

懸流垂瀑。山中所在多有。雨後尤佳。幅三大江帆影

凌空。極目千里。昔登燕子磯。所見不啻若是。丙申

新正仿壽平法成小景四幀御筆

四幅

冊內分鈐

寶璽

古希天子_三會心不遠_一落紙雲煙得佳趣幾暇怡
情煙雲舒卷潑墨寓意于物德充符乾隆宸翰水
月兩澈明寧壽宮寶

五福五代堂古稀天子寶八徵耄念之寶

太上皇帝之寶

鑒藏寶璽寶笈三編石渠寶笈所藏

高宗純皇帝御筆畫墨梅 一冊

本幅金粟箋本。摺裝四幅。皆縱五寸三分。橫六寸五分。

御筆墨畫梅花四種。分題行書。

崔夢棲寒。正是南枝初發時。情景。幅一梅以枝幹勝。

所謂冰心鐵骨也。此得其概。幅二暗香浮動。月黃昏。

逋翁佳句。此景為其寫照。幅三臘雪初霽。寒梅正開。

貌姑射之山。不啻若是。丙申嘉平月。撫馬遠法。御

筆

四幅

冊內分鈐

寶璽。乾隆。會心不遠。德充符。幾暇怡情。得佳趣。寧壽宮寶。

五福五代堂。古稀天子寶。頤和軒。

三

古希天子。

三

重

化

工

四

氣

為

全

施

即

事

多

所

欣

水

月

兩

澂

明

秀

色

入

窗

虛

八

徵

耄

念

之

寶

太上皇帝之寶。

鑒藏寶璽寶笈三編石渠寶笈所藏

高宗純皇帝御臨倪瓚畫譜 一冊

本幅金粟牋本摺裝四幅皆縱五寸橫六寸

御筆墨畫一二幅樹三四幅石每幅摘錄倪瓚畫譜

勢若戈戟幅一最難士氣幅二畧涉古法幅三似石

則已

丙辰冬日節臨雲林畫譜並以其句題之三希堂

御筆幅四

冊內分鈐

寶璽

古希天子

三璽

乾隆宸翰。至味寓澹泊。得佳趣。衆花勝

處。松千尺。會心不遠。德充符。用筆在心。取益在廣。求比德。朗潤。養性殿寶。

五福五代堂古希天子寶。八徵耄念之寶。

太上皇帝之寶。

鑒藏寶璽寶笈三編。石渠寶笈所藏。

高宗純皇帝御筆畫歡喜園

一軸

本幅紙本。縱三尺一寸。橫一尺五分。

御筆墨畫溪山竹樹並識。

戊戌暮春中澣駐香山靜宜園寫。

御題行書。

佛殿傍柰園。名之曰歡喜。雖云舉梵義。而實該衆
旨。歡喜則無憂。無憂斯化美。物各適其適。奚藉強
為理。題歡喜園。癸卯仲春御筆。以近如來殿。遂

名歡喜園。兩言豈易得。今歲偶逢恩。却切盛滿懼。
不安夙夜煩。愧哉調御坐。無語付三幡。題歡喜園。
癸丑九秋御筆。佛殿之右側。精舍號歡喜。樸宇
兩三間。亦可名園耳。歡喜繹其義。弗易得難矣。前
昨今三年。喜一憂二已。以是喻未來。憂多乃定理。
咄哉此言失。讀洪範誰擬。題歡喜園。甲寅九秋御
筆。

軸內分鈐

寶璽乾隆

古稀天子一重猶日孜孜八徵耄念一重自強不息一重靜

宜園八徵耄念之寶意在筆先落紙雲煙新藻發
春妍

鑒藏寶璽寶笈三編石渠寶笈所藏

高宗純皇帝御筆仿董其昌山水一軸

本幅紙本縱二尺橫一尺二寸二分

御筆水墨畫平林遠岫並識

戊戌清和倣董其昌法於圓明園之池上居鈐寶
二乾隆

玉池

御書溯韻鈐寶一乾隆御筆

軸內分鈐

寶璽

五福五代堂古稀天子寶。八徵耄念之寶。煙雲無盡
藏。

鑒藏寶璽寶笈三編。石渠寶笈所藏。

高宗純皇帝御筆用蘇軾偃松圖筆法畫夷齊廟松

一卷

本幅宣紙本縱一尺一寸一分橫三尺八寸三分

御筆墨畫偃松並題

夷齊廟別廿餘載門前偃松蒼不改行以蘇法寫其形。是一是二呼之在松乎松乎兩弗知。蘇與夷齊都合詩。含三乾端與坤倪。歷萬劫此寒濤吹。

廟有偃松因倣東坡偃松圖筆法為此卷仍用前
仿蘇卷韻題紙尾戊戌秋九月中澣御筆
閱今又五載偃松古幹曾無改忽然失笑斯小哉
萬古夷齊名此在夷齊松不期人知而我為圖更
詠詩是誠弗識端與俛掃塵念倩天風吹癸卯冬
初疊前韻再題御筆

引首

御書清標重撫

卷內分鈐

寶璽妙意寫清快乾隆

古稀天子猶日孜孜乾隆御筆靜寄山莊

太上皇帝之寶寓意于物半榻琴書茹古含今摘藻
為春

古希天子涉筆偶值幾閒用筆在心天地為師

五福五代堂古稀天子寶八徵耄念之寶萬有同春

筆花春雨

鑒藏寶璽寶笈三編石渠寶笈所藏

高宗純皇帝御臨王羲之三帖 一冊

本幅金粟箋本推篷裝四幅皆縱八寸橫五

寸六分

御筆草書臨王羲之彼土太常安西三帖不帖文錄並識

王羲之尺牘三帖戊戌嘉平御臨鈐寶三乾隆用
筆在心

鑒藏寶璽寶笈三編石渠寶笈所藏

高宗純皇帝御筆懷舊詩

四冊

本幅畫雲蠟燭本摺裝四冊第一冊十一幅
第二冊十一幅第三冊十二幅第四冊十一
幅皆縱八寸二分橫八寸

御筆行書

懷舊詩二十三首 三先生三首 龍翰福先生

今古既殊宜其教亦異施古方教數年今為出閣

時

出閣讀明季諸臣常爭之我朝
法皇子立孫無不六歲就外傳讀書

家憶半

舞勺歲

時六歲

皇考掄賢師

從師授經詎惟習少儀循循既善誘

嚴若秋霜披背誦自幼敏匪曰詡徇齊日課每速

畢師留為之辭

年九歲時日所授書每易成誦課常畢焉不兼治明日課恒落後先生則曰復然吾弟在書齋兄

王資性稍鈍日課恒落後先生則曰復然吾弟在書齋兄

直可不留以待之復令余知探俟其既畢同散彼

時孩氣未嘗不以為怨今忘之則實有益於己故

余所讀之書殆矣以此倍多讀胥益平生資誰知

曩時怨翻引今日悲不失赤子心能無繾綣思鳴

呼於先生。吾得學之基。可亭朱先生。

皇考選朝臣授業我兄弟四人胥宿儒徐元朱就及

張廷稔曾葉設席懋勤殿

命行拜師禮我朝成制。皇子初就學見師傅彼此皆長揖。皇考擇此四人為余兄弟之

師。行。拜。見。禮。命。於。懋。勤。殿。其。三。時。去。來。徐。未。久。得。罪。去。

諭。旨。事。繁。旬。月。中。偶。一。至。上。書。房。松。則。出。為。河。館。惟。先。生。常。至。書。齋。為。余。兄。弟。講。授。可。亭。則。

恒矣。時已熟經文。每為闡經旨。漢則稱賈董。宋惟

宗五子。謂周程張朱。恒云不在言。惟在行而已。如坐春

風中十三年迅耳。先生抱病深。命輿親往視。乾隆丙辰

冬先生病且篤。親臨其第視疾。先生知駕至。力疾服朝服。今其子扶掖迎拜戶外。既深嘉其知禮。且

未肯竟拖紳。迎謁仍鞠肱。始終弗渝敬。

啟乎何殊爾。嗚呼於先生。吾得學之體。聞之蔡

先生。先生長鬣峯。先生嘗為麓峯書院山長。受業者多知名士。陶淑學

若眾奉

命訓言。曹風吟而月弄。雖未預懋勤。先生後至書房不在。徐朱張松

四外八載寒暑共。自甲辰至辛亥。從學凡常云三

八年。昕夕講誦無少輟。

不朽德功言並重。叶立言亦豈易。昌黎語堪誦。氣
乃欲其盛。理乃欲其洞。是實為學方。虛車徒駕。要。
叶因以書諸紳。未敢妄揅縱。德功吾何有。言則念
該綜。嗚呼於先生。吾得學之用。五閣臣五首。
故太學士鄂爾泰。業師祇三人。其三情向剖。謂徐
見三先生詩。

皇考重英賢。率

命書房走鄂爾

泰。蔣

廷

以閣臣蔡

珽

法

海

列卿九

朝

煦

顧成劉統梁詩任啟邵基戴瀚

天劉統梁正任運邵基戴瀚

來先後其時學亦

成云師而實友不足當絳帳姓名茲舉偶鄂其中

巨擘內外勤宣久初政命總理

初即位時總理事務

四人莊親王果親王鄂爾泰張廷玉皆

遺詔中所有人也

顧問備左右具瞻

鎮百寮將美惠九有好惡略失尚性陽陰

詔命配享旌善垂不朽故大學士張廷玉

九齡祿位兼韋平承家有厚德際

主為名卿不茹還不吐既哲亦既明送

旨信無二萬言頃刻成繕

皇祖實錄記注能盡誠以此蒙

恩眷

顧命配享行及予之莅政倚任原非輟時時有贊襄

休哉國之楨懸車迴故里乞言定後榮

余於臣下無不推誠

相待期朝夕

左右之大臣

何轉不能諒余心乎廷

玉配享

太廟本

皇考遺詔余曷敢不遵

乃廷玉將歸以此為斯乃不信吾此念詎宜萌臧

請則不免於要君矣

武仲以防要君聖所評薄懲理固當

廷玉雖有過仍不加以重

遺訓敢或更求享彼過昭仍享吾意精斯人而有知

講印廷議謂當削爵奪職不准配享并不准回籍
余猶念其大學士由
配享雖屬過分然已恭奉
伯爵乃余所特加彼既忍於員余不宜令其諱榮
田里因削去伯爵仍准以大學士銜休致及其既
卒仍令配享太廟余於廷玉曲示保全使彼
泉下有知當以示臣道貞後原與配食
如何銜感乎

猶應感九京故大學士一等忠勇公傅恒世臣

更近戚丹誠素所信命之習政事幹材亦日進金

川往經歷旌旗改觀奮金川
梁初非
莎羅
弄郎
卡小
張廣

泗措置。置奉。夜。老師。玩寇。致。鼠。輩。勢。益。熾。張。及。遣。訥。
親。前。往。董。機。又。復。畏。憊。偷。安。憚。於。臨。敵。以。致。績。久。
弗。就。因。各。治。其。罪。命。傅。恒。率。師。經。畧。親。履。行。陳。連。
克。堅。礪。壁。壘。一。新。遂。擒。我。奸。渠。梁。爾。吉。進。苗。開。而。
喪。胆。始。悔。然。其。時。其。勢。未。宜。深。入。迅。郎。卡。既。怖。警。

特許歸降順

郎卡窘迫投誠。傅恒尚欲進兵。不允。所請余察其時勢。秋可如北。歲事乃

詔許受降。

凱旋贊黃閣章服三錫晉

傅恒既成。功。即。今。班。師。

頂。金。黃。帶。四。團。龍。補。以。示。寵。異。其。後。獎。賜。首。功。如。兆。惠。等。皆。視。以。為。例。

西師兩用兵

同心卻衆論。坐謀無不協。用藏大功建。其後征緬甸。力請往抒蓋。猛拱既收服。官屯進圍困。祇以水

土劣○兵役多病○頓值彼悔罪請爰徹師旅振傅恒

效老

官屯晝夜不報期在必死逆苗畏懼願納款懇請

解圍傅恒却弗許然余念瘴鄉水土惡劣又聞軍

士多病不宜久居其地先期諭令撤兵傅恒然因

始奉命還比歸而病入膏肓不可救矣惜哉

受瘴深兼悔墮功悶遂以永辭世飾終典空繼嗟

我社稷臣所期寧在近年少長於余騎箕惜且恨

故大學士來保初供批本職後充侍衛護弓矢

固所習慤勤更其素止進恒有常不失尺寸處游

陞掌內府亦久蒙

恩遇。因命長部曹。旋贊絲綸布。更踐既已深。老成遂

獨許。叶雖無赫赫名。却有休休度。讀書通大義。萬

石猶後步。故大學士劉統勲。從來舉大事。要欲

衆志定。小利亦何慶。小失亦何病。阿逆之初判。衆

論已紛競。統勲督陝甘。儲需任所勝。欲棄巴里坤。

是殆亂軍令。治罪易廷桂。並命隨軍進。叶統勲

里坤之議。恐其惑亂軍心。不可不斥。革達治。因發

往軍營。令以司員辦理軍需。効力贖罪。事平後。念

其心本無他。後還原職。仍加任用。禍五年大功成。

福惟視其自取。實不稍存成見也。

釋罪重從政。賞罰寓經權。順應自取聽。十餘年黃
閣。總兼部務仍。叶遇事既神敏。秉性原剛勁。進者
無私感。退者安其命。得古大臣風。終身不失正。以上

第一冊

五功臣五首。故協辦大學士一等武毅謀勇公
兆惠。西師歷五年。準回兩進討。兩討凡兩阻。兆惠
皆經了。兆惠於搜勒準夷遺孽。則有喀喇烏蘇之圍。
之圍進討回部逆裔。則有喀喇烏蘇之圍。
皆能全師以出。歷險而亨。由其忠誠素篤。而皆安。
濟以謀勇。故能邀天佑。而叶師貞也。

然出。藏功荷

大造設非忠誠篤。加以勇略昭焉。能合衆志。成城錫

箔保

蒙古語錫箔者即皆佳之謂也

者定贊絲綸章服元勲表謂

當永承恩。太平佐有道。長子纔三年。何不同予老。

故戶部尚書一等果毅公阿里衮。昨歲秋之仲

盛京謁

陵園三大功臣墓陪葬其間存

頤亦都與揚古利費英東並以開國

佐運勲臣陪葬於

恭謁祖陵曹親臨

三功

臣墓

昭陵之

間昨秋

茲阿里哀者額都

額亦都急才之則為額都

四世孫勇豈匹其

祖忠實一例肫兆惠阻黑水回衆如蜂屯爾時舒

赫德統兵速入援又被狂狙阻進退至兩難適值

阿里哀送馬繼進遙率兵亦弗多乘夜賊營掀賊

駭自天降鹿埕羣逃奔兩軍俱善歸

阿里哀所遣馬

兵無多既解舒赫德等寸爾滿之圍復至喀喇烏蘇夾擊賊衆兆惠等並全師而出還駐阿克蘇整

兵再進遂以重進鴻功全後復往征緬受瘴惜隕

身一再忘軀勞思之輒淚捫幸而子善繼

阿里哀子豐昇

領裝公將。擢尚書。授副將軍。征勦金川。遇克爾宗
之捷。奮勇奏績。以其克紹祖風。於公爵加繼勇二
字。凱旋。圖像紫光閣。後加一等子世爵。方以其年
正壯。可繼父志。為國宣力。乃未幾以病歿。益增悼
歎。金川建殊勲。凱旋以病終。悲惜何忍言。故雲

貴總督將軍一等誠嘉毅勇公明瑞。凡經百餘戰。
戰必先衆軍。不謂世胄家而有如此人。讀書知大
義。挽勁鮮與倫。短身既精悍。謀略兼出羣。功難僅
指數。嘉賚匪因覩。征緬次猛腊。獨入克捷頻。恨遇
忌功者。逍遙河上陳。

明瑞師次猛腊。孤軍深入重
地。應有繼進之兵。時額爾登

顧分駐早塔。若尾配。起後。未嘗不可合力奮勦。即
不能成功。亦可全師而出。乃顧爾登。顧忌明瑞獨
成大功。觀望不進。時邵寧為滇撫。十撤款促。轉饒
三銅壁關。連延半月。始達宛項。而明瑞以無援助。
竟至捐軀。顧要登力戰絕後繼。終焉捐其身於爾
。實死有餘辜矣。力戰絕後繼。終焉捐其身於爾
無悔怨於我。增悲辛。不須讀杜牧。謂過趙使君。
故大學士舒赫德。遜順饒有智。逢艱或失算。究以
從政久。經事實明練。屢罷屢復用。中心惜其彥。踐
歷更老成。遂掌絲綸渙。西師頻建功。然職在叅贊。
土爾扈歸順。土爾扈特。急呼之。則為土爾扈。余初
聞。邊已錫等來歸之信。恐伊勒圖一

人不能經理得宜。因命舒赫德往治其事。舒赫德至伊犁。於一切安汛設偵籌儲密備之事。無不悉妥。故新投之人。一至如歸。詳經理實妥善。叶六日見向所作土爾扈特歸順記。

靖臨清。則信資偉幹。變理原未久。勲伐誠可摠懷。

舊不能忘。悽然一染翰。故四川提督三等侯信。

公岳鍾琪。三朝師武臣。鍾琪為巨擘。車騎伐。

實其算之失。岳鍾琪征噶爾丹策凌時。議用。因設車騎營肄習之。終歸無用。不。

泥古之。設誓誘張熙。忠誠天鑒。赤家居十餘年。命。

董金川役。鍾琪釋歸。十餘年。以金川軍務復召。益切感奮。猶能單騎入番。裝使送舊。

愾乞降。裁足嘉也。

單騎入賊砦。大義示順逆。勇而且有謀。

羣番警辟易。受降遂凱旋。實亦資宣力。所見綠縢。

多。鮮或踵其迹。卓有古將風。書勲太常冊。

五詞臣五首。故大學士梁詩正。未可甘盤飧。

宜顏般等。信稱館閣材。句每有清警。踐更既已。

遂亦絲綸領。一夜無病逝。入閣實未永。持身略。

勤。居家儉而省。內廷行最久。交接一以屏。不似張。

照揮霍。故率稱其冷。

梁詩正性儉嗇。雖在內廷。尤年於太監等。鮮所交際。正尤。

張照之隨意揮毫。故若筆喜張而憎梁。太監鄭愛桂每於余前稱照之長。以形詩正之短。余燭其情。偽。張愛桂罪并降旨。通諭宣寺。知所炯戒。衆或有言詩正太冷者。余轉以此取之。翻以是嘉之。吾宜蔽近倖。故刑部尚書張照書有米之雄而無米之畧。復有董之整而無董之弱。羲之後一人。舍照誰能若。即今觀其蹟。宛似成於昨。精神貫注深。非人所可學。

三朝直內廷受

恩早且渥

叶

其詩喜談禪學蘇

謂東坡

太相著以苗疆

獲罪意實別有託

張照既未能體

皇考聖意

魯為急原應治重罪然其事之始末適以奉

諭同理苗疆故知之最悉而不肯抵彼以罪照應

如何感激朕恩而彼乃私有怨言竟謂朕受鄂爾

泰膝蔽抵彼以罪朕若果受鄂爾泰膝蔽則照早

不保首領矣尚有後日之為尚書耶然事已過亦

不違治其罪恐疑案滋後世之議故明叙而注之

平苗事既久復用仍遷擢性敏才本高未免失行

薄使其生前明標榜必致錯本朝無所施小哉張

與鄂鄂爾泰張廷玉素不相得兩家亦各有私人

但我朝綱紀肅清不能如明李門戶黨援之

或蓋照即張所喜而鄂所惡者張廣泗即鄂所喜

而張所惡者余非不知既不使一成一敗亦不使

兩敗俱傷在余心固自有權衡而界與張兩皆成就為賢臣不亦善乎

故吏部尚

書汪由敦由敦亦工書用功過於照而實不能及

則以天分料古學實勝之雅正勿輕掉任職本謹

愿書諭夙夜效乃以師生誼獲罪自所召

由敦既為廷玉

叩顯免降明旨及廷玉奉允令配享之旨具摺謝恩詞稱泥首闕廷並不親至及欲傳旨令其明白回奏次日廷玉即至內廷此非由敦漏泄而何徇私情而忘公義其咎實自取也不可聽

其然小懲大戒劼然亦旋重擢改過斯堪教飾終

仍加恩善善欲長導

故刑部尚書銜原刑部侍

郎錢陳羣。少年困場屋。賢母授之經。故學有淵源。
於詩尤粹精。經濟雖非卓。不失為老成。以疾賜懸
車。還鄉信循名。相傳嘉興有還鄉河。故其地仕
官多歸老者。吾於陳羣益信。迎

鑒三於浙祝

釐兩入京。倡和稱最多。

陳羣三次迎鑒。兩次入都。令其和韻。極多。如田園詩之類。

亦有賜和其韻者。

頌中規亦行。林下惟恂謹。文外無他營。

優游登大耄。生賢沒亦榮。故禮部尚書銜原

郎沈德潛。東南稱二老。曰錢沈則繼。並以受恩眷。

佳話藝林誌而實有優劣沈躋錢為粹錢已見前

詠茲詩言沈事其選國朝詩說項乖大義錢謙益品本不

端且以明季大臣降順本朝後庸顯秩而又陰為詭刺進退無據實不足比於人類德潛取為國朝

詩之冠竟不論其名節有虧妄加評許昧於忠孝大義尚何足以言詩詳見向所作國朝詩別裁集

序制序正厥失然亦無訶厲仍予飾終恩原無責

備意昨秋徐變案發潛乃為傳記忘國庇逆臣其

罪實不細用是追前恩削奪從公議彼豈魏徵比

仆碑復何日叶蓋因耄而荒未免圖小利徐述夔家饒於

貨德潛為之作傳。不過圖其潤筆。貪小。設曰有心

為吾知其未必。叶其子非已出。統袴甘廢棄。德潛

其嗣子種松。不知何所來。人甚不肖。狎邪作惡。曾

命該撫就近約束之。幸而未致生事。抵罪。而德潛

末年所得諫墓財。皆被其落費。蠶蠶。娶妻甚多。養

子至十四人。其視德潛。賜舉人者。不久即夭。其餘

無一成材者。實德潛忘良負恩之報也。孫至十四人。而皆無書味。

天網有明報。地下應深媿。可惜徒工諫。行闕信何濟。

以上第三冊

五督臣五首。故大學士陝甘總督三等忠勤伯

黃廷桂。西陲用兵時。軍需信要務。統勲既罷斥。統勲

勲為陝甘總督。聞阿達之變。檄棄巴里坤。恐其搖惑軍心。即罷斥。連海而以黃廷桂代之。籌辦軍務。

實得其益。特用就熟路。擘畫實盡勞。諸事皆弗誤。而以

民為重。從不請加賦。遇災仍賑恤。入告直陳故。可

比主吏蕭。閫中勤供輸。以此論功勲。章服錫異數。

為政頗尚嚴。赫赫名久著。然而公無私。任勞任怨

素。

兩朝所造就。似此誠罕遇。故大學士前兩江總督

尹繼善。八旗讀書人。假藉詞林授。然以染漢習。率多忘世舊。問以弓馬事。曰我讀書秀。及至問文章。曰我旗人胄。兩歧失進退。故鮮大成就。自開國至今。任事奏績茂。若輩一二耳。其餘率貿貿。繼善為巨擘。亦賴。

訓迪誘。八年至總督。

異數誰能邁。政事既明練。情性復溫厚。所至皆妥帖。自是福量較。能詩略如白。謂居易倡和亦頗富。獨愛

馳驛喻

南巡時於山水名勝略涉游覽即行從不

於馳驛觀山聞之

不惟不怪而嘉其深合余寓知

寓意不留

故大學士兼江南河道總督高斌本

朝善治河。靳輔齊蘇勒斌實可比靳弗徒保工急。

至其於齊也。有過無不及。

齊蘇勒惟以保守隄工為急其於為民大局初

不計惟是閉三壩自信過於力。下河曾受福異漲。

害亦迫。

高斌力主堵閉三壩下河固受其利然粗

秋洪湖異漲其自高堰五壩洩下之水。高寶兩湖

至不能容。高斌仍不肯啟放車運南關等壩致洪

流衝突。潰決隄岸。不特下河被災甚重。即瀕運河之高寶各州縣。亦胥受惠。則咎有攸歸。因治高斌

罪。用此抵以罪。勸懲國之則。然終諒其心。與祠復

原職。壬午復南巡。清口親定式。預拆東西壩。頻年

已受益。壬午南巡。閱視清口。因於高堰五壩定水誌。如清水比誌。增長一尺。則拆清口東西

壩十丈。視其增長尺寸。隨時展拆。兩壩俾宣洩有資。為釜底抽薪之計。及水減退。仍按誌以次鑲築。

酌留口門二三丈。自定水誌以後。河臣如法展拓清口。連歲有收。下河受益。昨秋黃河

決。洪湖漲。因逼無已。徐啟壩。未至衝潰棘。昨秋豫省黃河

漫溢。歸入淮河。勢甚浩濶。計洪湖必不能容納。因先事綢繆。傳諭薩載。以次展拓清口。並於各間壩

酌啟決水。陸載連旨。盡展清口東西兩壩六十丈。
又先啟山。時智信兩壩。後啟仁義禮三壩。並將南
關車運。昭關各壩。同時開放。運河兩岸始保無虞。
雖下河不免稍被偏灾。然減下之水。較之衝決勢
緩。故為患不至太甚。且豫華賑恤。民皆安堵。惜高
斌當日未能見及。展拓清口。及豫啟開壩。致有癸
酉之使斌。而有知應歎。初未識。故直隸總督方
觀承以書記起用。古有今則無。有之祇一人。曰惟
觀承。夫夙稱習政事。銓曹尤著譽。出而為監司。洊
陞撫與督。在直二十年。勤幹實有餘。永定籌補
直艱為永逸圖。然僅能如此。誠亦蒿目予。徒以莅

任久。稍與姑息俱。未至大狼藉。何必吹求。吾成全
良臣多。詎非佳事乎。故大學士兼兩江總督高
晉。從來擢督撫。德才量並重。以此下僚中。平百不
一二中。自知縣起者。臻斯必超衆。晉也實其人。故
悉下情洞。更兼習河務。要任久倚用。乃以治河決
來豫。屢稽功。叶憤懣因致疾。不起誠堪痛。歷歷懷
舊臣。中外資經綸。而予未歇肩。籲俊期與共。今
秋山莊多暇。既書七十二候詩。及春間所作懷舊

詩茲復錄一過亦浹旬而竟已亥仲冬御筆

以上第四

冊內分鈐

寶璽筆端造化脩辭立誠成性存存用筆在心几席

有餘香虛衷澄照進德脩業乾隆寧壽宮寶

三

五福五代堂古稀天子寶

三

古稀天子

七

八徵耄念之寶

一

重十

太上皇帝之寶

三

鑒藏寶璽寶笈三編石渠寶笈所藏

高宗純皇帝御筆四題西湖行宮八景一卷

本幅雲龍牋本縱一尺六分橫二尺七寸六分

御筆行書

四題西湖行宮八景 四照亭孤山勝處舊行宮
高下亭臺致不同獨喜

奎章留額。萬方民物

照臨中。竹涼處。猗猗夾徑。矗鼓篁。容裔煙光接水

光。我自萬幾無暇者。那能九夏此乘涼。綠雲逕。

孤山山脊自成蹊。夾逕深林望若迷。怪底行來衣履潤。披雲尋綠藹淒淒。瞰碧樓。何必起樓嗤背。

山明湖當面。挹披間。靜中忙笑搜吟者。豈若水天上下間。貯月泉。一泓玉乳貯山根。印就銀蟾若可捫。佈景問誰得奇想。依稀猶道是江村。鷺香庭。春來新發葉飄蕭。縱未花時花意標。移得考功竺菴句。天香驚嶺豈其遙。領要閣。山環湖面鏡。

光開。應接真教無暇哉。設使弗能領要者。隨他物
轉。豈如來。玉蘭堂玉蘭仍自峙。堂邊香色無雙
總淨娟。十五年前侍。

賞處不堪迴首意。悽然。庚子暮春上泮。御筆鈐寶二。
古稀天子之寶。猶日孜孜。

引首

御書應接依然。鈐寶一。乾隆宸翰。

鑒藏寶璽寶笈三編。石渠寶笈所藏。

高宗純皇帝御筆庚子冬至

南郊禮成迴鑾輦中得句

一軸

本幅梅花蠟箋本縱四尺七寸橫二尺二寸五分

御筆行書

大禮欣成迴輦中祈年永命思無窮七句天子斯居
七躬舉

南郊獨見躬何忍敬勤忘頃刻默籌否泰惕深衷平

明底識初陽復和霽天街氣漸融。庚子冬至

南郊禮成迴鑒輦中得句御筆鈐寶二。

古稀天子之寶。猶日孜孜。

鑒藏寶璽寶笈三編石渠寶笈所藏。